



UNIVERSITÄTS-
BIBLIOTHEK
PADERBORN

**Commentarius Ivridicvs, Ad L. Stigmata. C. De
Fabricensibvs**

Ostermann, Petrus

Coloniae Agrippinae, 1629

VII. De stigmatibus supernaturalibus materialibus Diaboloris, & quidem
primò Antichristi.

[urn:nbn:de:hbz:466:1-61313](https://nbn-resolving.org/urn:nbn:de:hbz:466:1-61313)

*Quo nequit dici sanctius per orbem,
Vulnerum formam miserata Christi
Exprimis ipsa.*

Idem traditur de S. Clara, cuius cor Christum Crucifixum gestabat, & insculpta flagella exhibebat. *Alphons. Palaot. cit. loc. pag. 98. lit. A. & 331. lit. B.* Huc referri etiam aliquo modo possunt signa vocationis, de quibus loquitur S. Prophetas *Iob. c. 37. v. 7.* His verbis. *QUI IN MANU OMNIUM HOMINUM SIGNAT, UT NOVERINT SINGVLI OPERA SUA.* Nā ex dispositione manuum aliquatenus licet conijcere, quibus operibus exercēdis singuli apti sint, calamo nimirum, aratro, hastæ, aut similibus: in cuius rei argumentum David dictus, *manu fortis*, qui postea apparuit admodum bellicosus. Aquinas hoc signum ponit in mutationibus temporum, & aëris, ex quibus homo discit, quid sibi præsertim in Agricultura, navigationibus alijsq; itinerationibus agendum sit, ex quibus signis etiam *INGREDIETVR BESTIA LATIBVLVM, ET IN ANTRO SVO MORABITVR.* Sed si hic sit sensus, cur ut in manu hominis Deus non similiter dicitur signare in manu bestiarum, ut nouerint singulæ opera sua. *Ianson. in Enarr. suis in Iob. c. 37.*

S E C T I O VII.

De stigmatibus supernaturalibus materialibus Diabolicis, & quidem primo Antichristi.

SANCTUS Apostolus Paulus in *Epist. 2. ad Theffalon. cap. 2. vers. 8.* ait, *Et tunc reuelabitur ille iniquus* (Antichristus scilicet qui *Ἐ Αντομασίαν* dicitur *ὁ ἀνομος*, id est iniquus & impius) quem Dominus Iesus interficiet spiritu oris sui, & destruet illustratione aduentus sui (scilicet, cū venerit ad iudicandum) cuius scilicet Antichristi aduentus est secundum operationem Sathanæ, in omni virtute, & signis & prodigijs mendacibus. Occasione prædicti sacri textus libet paululum inquirere pro illustratione propositi thematis in ortum, educationem, vitam, & stigmata Antichristi.

Aliqui putarunt Antichristum fore Diabolum incarnatum, ut opponatur Christo Deo incarnato, ut sicut Verbum per humanitatem assumptam operatum est, & vim suam exeruit, ita Sathanas per carnem assumptam operetur, & vim suam exerat *Theodoret.* verum quia fieri non potest ut Diabolus aut alia creatura carnem, aliamque creaturam hypostaticè assumat, sicut Deus assumpsit carnem humanam ut docent Theologi

logi. Hinc Secundo Hippolytus Martyr lib. de Consummat. Secul. cenſet Antichriſtum fore dæmonem, non incarnatum, ſed in carne apparentem, & de falſâ virgine falſam, & phantaſticam carnem aſſumentem. Tertio. Alij apud Rabanum tract. de Antichriſto, putant Antichriſtum non fore dæmonem, ſed hominem, qui tamen ex virgine opera Dæmonis concipietur, vti Chriſtus conceptus eſt ex Virgine de Spiritu S. Verùm non poteſt Dæmon virginem fœcundare, niſi vt ſuccubus aliunde ſemen humanum exceperit, quod deinde virginis vtero infundat, ac proinde non manebit virgo, quæ ab eo imprægnata fuerit ſed more caterarum puerperarum clauſtris virginittis reſignatis concipiet & pariet. Huic ſententiæ videtur aſſenſum præbere Bellarminus, qui putat non erroneum dicere Antichriſtum naſciturum ex Diabolo & muliere eo modo, quo dicuntur quidam nati ex incubis Dæmonibus. Nam eſi Diabolus, inquit, non poſſit per ſe ſine ſemine viri hominem producere, tamen bene poteſt in corpore aſſumpto, in forma mulieris exercere cum viro actum carnalem, & ſemen recipere, ac deinde ipſe idem, in forma viri, cum muliere ſimilem actum exercere, & ſemen à viro acceptum, in vterum mulieris iniicere, & eo modo hominem gignere. Idem Auguſtin. lib. 15. de ciuitate D. cap. 13. & addit tantâ experientia id comprobatum eſſe, vt adhuc velle negare impudentiæ videatur. Quarto, probabilius Franciſcus Suarez & multi alij volunt, verbis hiſce Paulum ſignificare, quod Antichriſtus omnem operationem Diaboli in ſe ſuſcipiet à puero, quodque Diabolus,

Primo in vtero matris Antichriſti humores ſic attemperabit, vt Antichriſti temperamentum, & complexio fiat propenſiſſima ad omnia vitia, & hoc videtur velle S. Hieronym. cum in cap. 26. Iſaie. Dæmonem vocat Patrem Antichriſti. Cornel. à Lapide ad d. cap. 2. Ep. 2. ad Theſſalon.

Secundo ab infantia Antichriſtum replebit Dæmon malitia ſua, non quaſi Antichriſtus à Dæmone poſſidendus ſit corporaliter, tanquam arreptitiuus: ſic enim non eſſet liber, nec peccaret, ſed quia ſemper, & in omnibus, eum à puero reget, & gubernabit Dæmon. Damasc. lib. 4. de fide cap. 27.

Tertio in virili ætate Dæmon per Antichriſtum operabitur, non tantum omne ſcelus, & nequitiam, ſed etiam omnia ſigna, & portenta mendacia, Matth. 24. verſ. 24. Marc. 13. verſ. 22. omnem blandiloquentiam, ſapientiam, minas, terrores, & tormenta, omnemque vim ſuam exeret, ad decipiendos, & alliciendos à Chriſto ad ſe homines, & hæc ſufficiant de ortu, & educatione. Tria faciet inſuper Antichriſtus miracula, ex varijs cauſis mendacia, eaque deſcribuntur in Apocalypſi 13. cap.

vers. 3. & 11. Primo, seipsum plaga mortifera saucium sanabit. Secundo, faciet ignem de caelo descendere vers. 13. *ibid.* Tertio, faciet statuam eius loqui, *ibid.* vers. 15. utetur septuplici fallaciâ, Primò magnâ comitate, & gratia se insinuandi, captandique hominum gratiam. Secundo, sanctimonia simulata. Tertio, sapientia sua, & eloquentia incredibili, callebit enim omnes artes, & scripturas, ait *Anselm.* Quarto, largiendo & promittendo suis opes ingentes. Quinto, reluctans, inferendo terrores & tormenta exquisita. Sexto, faciendo signa & prodigia rudibus admiranda. Denique à Dæmone suo omnem fallendi artem addiscet. R. P. *Cornel.* à *Lapide cit. loc.* Mores eius erunt hi, erit I. hypocrita, *Apost. cit. loc.* II. Ambitiosus III. impudens *Apocalyp. 13. v. 6.* IV. crudelis *ibid. vers. 10.* V. Luxuriosus, *Daniel. 11. vers. 38.* Magus, & magicis artibus à puero imbutus, habebitque Dæmonem Maozim nomine, ut inquit *Daniel. cap. 11. vers. 8.* Doctrina eius erit talis I. docebit Iesum non fuisse Messiam, nec Filium Dei, nec hominum Salvatorem, ideo appellatur Antichristus 1. *Ioan. 2. vers. 22* II. se esse Messiam Iudæis persuadebit, unde initio docebit circumcisionem, & legem Moysis servandam esse, ut ita Iudæos ad se trahat. *Ioan. 5. vers. 43.* III. legem humanam & diuinam abrogabit. *Daniel. 7. vers. 25.* IV. licentiam dabit omni libi diuini V. se curabit coli ut Numen. VI. Characterem suum imprimet, quasi suæ sectæ signum, eumque volet ab omnibus suis, in fronte aut manu gestari *Apocalyp. 13. vers. 16.*

Quis, qualisque futurus sit hic Character Antichristi, non satis conuenit inter Patres & Theologos *Dionys. Carthus. cit. loc. in Apocalyp. sin.* primo explicat Characterem illum moraliter, per conformitatem, seu imitationem vitæ, doctrinæque eius, quæ in manu dextra, ac frontibus, id est, opere manifesto, & oris Confessione, seu mentis manifestatione, ab Antichristianis habebitur. Secundo ait, hoc fortè corporaliter sic erit, ut scilicet ad discernendam credentes in Antichristum ab alijs, faciant eos certo signo aut figura notari. Alij aliter. *Hippolyt. enim lib. de consummat. se. ul. Pererius,* & alij multi fore hoc. *Nego Crucem, Nego Baptismum, Nego Iesum,* sed *Ansbertus* quem sequitur *Ribeira in cap. 13. Apocalyp.* à Deo sibi reuelatum dicit, fore Græcam literam. X cū P. id est, *ξόδορ,* rosam & voluptatem inter spinas caput attollentem, quæ sunt literæ initiales nominis Christi; quod fuit insigne Constantini Magni in Labaro, voler enim Antichristus haberi Christus. R. P. *Cornelius à Lapide 2. Epist. D. Paul. ad Tess. cap. 2. v. 4.* Crux ergo est Character Sanctorum, & electorum, voluptas vero Character impiorum & reproborum. idem in *Apocalyp. cit. loc.* Aliter *Primasius Beda, Rupertus,* qui putant Characterem Antichristi esse literas, quibus scribetur nomen Antichristi, vel eius effigiem.

effigiem. Bellarminus putat etiam positium Characterem excogitandum ab Antichristo: sicut Christus habet signum crucis omnibus notum, sed ignorari quisnam sit ille Character, donec Antichristus veniat, *Author de tribus Energum. de conform. oper. cap. 15. circa finem.* Alij putant fore Draconis insigne, vt *Ribeira, de quo Alcasar. in Apocalyp. cit. loc.* Qui tamen sententiam *Hippolyti* approbat, qui putat fore *Agrus uau.* id est, negro. *Perer. in Daniel. c. 12. vers. 1.* Huius ita à sancto Paulo descripti Antichristi, eodem tempore omninò fuerunt, & etiamnum sunt Prodrumi, designari per verba illa præcedentia Apostoli, *in eod. cap. vers. 6. Et tunc quid detineatis scitis; vt reueletur in suo tempore (nam mysterium iam operatur iniquitatis tantum, vt qui tenet nunc, teneat, donec de medio fiat.)* Sicut enim *Moyse*, *Ioannes Baptista*, & *Propheta* præcesserunt Christum, illique viam præpararunt; Ità per mysterium iniquitatis, intelligitur *Simon Magus*. eiusque *asseclæ*, *sortilegi*, *Hæretici*. *Nero*, *Caligula*, *Adrianus*, *Decius*, *Heliogabalus*, *Diocletianus*, reliquique *Tyranni*, qui alias per portas inferorum designantur, *Matth. 16. vers. 18.* Vnde *S. Ioann. Epist. 1. cap. 2. vers. 18.* ait. *Nunc Antichristi multi sunt.* Hos omnes faciet Antichristus habere Characterem in fronte aut manu. *Apocalyp. 13. vers. 16. & 17.* vt fiat proculdubio allusio ad antiquæ militiæ morem, in qua qui nomen suum dabant, stigma Principis in manu accipiebant, vt supra dixi; & patet ex *Veget. l. 1. c. 8. & l. 2. c. 5.* vbi ait *victuris in cute punctis scribuntur milites.* Quæ inscriptio videtur fuisse eiusmodi, quæ nomen siue Ducis, siue Regis, sub quo militabant, contineret. Accipere autem Characterem in fronte, vel in manu dextra, videtur maioris æstimationis ergo fieri, siue maioris submissionis militis illius qui eo signo notatur, & quasi seruum se eo stigmate profiteretur. *Confer. Lips. lib. 1. de Milit. Dialog. 9.* Et quia bellicum stratagemæ esse solet vt peculiari aliquo signo milites omnes vnius factionis, constituantur, quo reliqui eo signo carentes, pro hostibus reputentur: sic ergo tres aduersarij, qui ad bellum Christianis inferendum conuenerunt, sunt, *Draco*, per quem repræsentatur malitia *Dæmonis*, *Marinæ bestię*, id est, *superbia v. t. a.* & *Bestia terræ*, id est, *concupiscentia carnis*. *1. Ioann. 2. vers. 1. ibid.* prohibebunt, ne quis possit emere, aut vendere, nisi qui *Bestię* habeat Characterem, & reliquos omnes quasi ex signatorum commercio & communione seiungent, eisque quasi aqua, & igni interdicient. arg. illius quod dicitur *Ioan. 4. vers. 9. Non contumtur Iudæi Samaritanis.*

Si verò quæras, quo nam Instrumento character hic imprimeretur? Ferone an gladio? Respondeo vtrumq; fortassè diu in vfu fuisse, nã puncturæ in cute (q̄ *Vegetius* ait) proculdubio fiebant, acuminatâ cultelli cuspide,

sicut & hodie Afræ, siue Maurorum fœminæ brachia huiusmodi stigmatibus solent depingere. Sed *Machabæorum* 3. (vt habetur in editione *Sixti fol. 1403.*) Philopator Ægypti Rex iussit Iudæos designari per ignem insigni Liberi hederæ folio, id est folio hederaceo, in honorem Bacchi, vt hoc signo, quasi legitimo Bacchi titulo eius cultores consignarentur. *Alcasar in Apocalyp. cap. 13. vers. 16.* Quomodo autem Antichristus suis clientibus, & affecclis, suo tempore, hunc suum characterem imprimet, non satis constat. Putant nonnulli, quod Antichristus suis affecclis, notam certam fronti, aut manui, ferro, aut cultro incidet, alioue modo imprimet, vel affiget, vti nos facimus pecudibus, vel iumentis nostris. Talem enim notam Latinis significat Character, & Græcum χαραγμα, proprie significat notam impressam vel insculptam, ita, *Vatab. & Viegas.* Ita Arriani præcursores Antichristi sub Hunerico rege cogebant Orthodoxos à sacerdotibus Arrianis rebaptizari & huiusrei Chirographum eis deinde tradebant. Quia non licebat, ait *Victor Vticensis lib. 3.* Wandal. siue priuatis, siue negotiatoribus alicubi transire, nisi scriptam Characteris initio suam ostenderent mortem. (id est, se esse ab eis rebaptizatos, quod erat peccatum mortale, mortemque animæ attulerat) quam per reuelationem seruo suo Ioanni olim ostenderat Christus, vbi dicit. *nulli licere aliquid emere, nisi qui habuerit Characterem Bestiæ in fronte suâ, vel in manu suâ.* Character ergo Hunerici erat Chirographum, siue testimonium, quod quis esset ab Arrianis rebaptizatus: Simili fortè modo, Character hic Antichristi in chartâ excudetur, & singulis dabitur, vt eum affigant fronti, vel manui, hoc enim facillimum, & expeditissimum erit, in tanto Antichristianorum numero, Itaque credibile est zelantiores Antichristianos, eosq; qui præ cæteris gratiam Antichristi aucupabuntur, sibi suisque incisuros, vel inusturos eius Characterem: Alios vero eum, vel impressum in chartâ, vel insculptum in medallijs, in fronte aut manu gestaturos. *R. P. Cornel. à Lapide. in Apocalyp. vers. 16. cap. 13. S. Ephrem tract. de Antichristo,* ait id facturum Antichristum hoc fine, ne scilicet sit locus in fronte, in quo crux per manum dextram formetur, & pingatur. Timebit enim ne facto signo, crucis, vis sua & potestas corruat.

Pro vltiori superiorum intellectu, quædam ex *Florimundi de Remund. Antichristo. cap. 42.* translata referam. Hoc solum scimus quod habiturus sit. quosdam Characteres particulâres ad cognoscendos suos. Hi Antichristiani erunt notati quemadmodum notati fuerunt Christiani ij qui inciderunt in manus Abdalæ Ducis Saracenorum anno 764. quorum manibus ferrum candens imprimi curauit. Et quemadmodum Principes discernunt suos subiectos per notas & signa distincta, hic portans aquilam

aquilam, & semilunium: alij crucem rubram, nos albam: Et vt apud Homerum Agamemnon Corallium portasse animaduertitur, Vlysses Delphinum, Hipomedes Typhonem; aut veluti agnoscuntur inferuientes, Officiales siue famuli Domini vel nobilis alicuius per suos colores & certum vestimentorum habitum: Ita magnus hic Antichristus potens & formidabilis debellator huius mundi Monarcha inuictissimus notabit nescio quo caractere subiectos, illosque qui sunt de ipsius factione, ad instar Christi Domini nostri qui suos notauit, externè per Venerabile crucis signum, sicut etiam illos notauit internè quoad animam per suum diuinum characterem dicit Diuus Augustinus, & alij Sancti Doctores, in Sacramento Baptismatis & Confirmationis, quæ & idè non possunt reiterari. Gloriamur solummodò dicit Apostolus in cruce. Verba à S. Epremo intellecta de signo crucis, quo nos & alios signamus ad testimonium nos esse Christianos profitentes veram fidem. Sathanas semper habuit quædam sigilla vel notas ad recognitionem & subarrhationem suorum veluti patroni quoad seruos & mancipia sua. Hoc fit manifestum quotidie per detestandam sagarum incantatorumque colluuiè, quæ quasi repullulat in nostra patria. Fuit quidam veneficij Magister famosus Triscalanus nomine, cui rex noster clemētissimus Carolus nonus vitam largitus est, quia manifestauit magnum suorum complicum numerum per hanc notam cuidam corporis parti impressam, quæ vngulam leporis repræsentabat. Horum quosdam vidi, qui internoscebantur ex parua quadam macula in oculo existente. Hic character Antichristi, dicit prophetissa Hildegardis semper exiit in Lucifero: sed illum nunquam reuelauit nec in vlllo manifestabit, nisi in eo solo quem totum in vtero matris possidebit. Et ob hanc causam sibi persuasum habet, quod sua potentia omnia possit facere. Illi qui portabunt hoc signum ibunt in ignem æternum, & cæteri in gloriam sempiternam.

S E C T I O VIII.

*De Stigmatibus supernaturalibus, materialibus
Diabolicis, qua inuruntur sorti-
legis, & primo,*

An dentur?

S. *Propheta Iob c. 40. Behemoth seu Diaboli malitiam, potentiam & vim describens, inter alia ait, v. 11. Fortitudo eius in lumbis eius, &*

C 3.

vii-